



A ein beklagter sich mit Dilatoren oder Declinato-
ren Exceptionen / schutzwere vnd ausflucht / zubehel-
ffen vormeinte / die sol er alle / auß ein mal / ver be-
staltung der Gewehr / vnd vor der Kriegsbefestigung
einbringen / sonst vnd inn andere weg / soler darmit
nicht gehört werden.

Der Zehende Artickel.

Von des Beklagten antwort vnd
zerstörlichen einreden.:



Hette aber Beklagter / keyner derselbigen Exception
für zuwenden / so sol er / auß geforderte vnd bestel-
lete Gewehr / richtige vnd klare antwort auß einge-
brachte klag/zuthun schuldig sein.

Vnd wenn er die gethan / alsdann mag er seine
peremtorien vñ zerstörliche Exception / von stundan
auch einbringen.

Do aber Beklagter / befreite peremptorien Exception / für zu-
wenden hette / die mag er / vor der Gewehr vnd Kriegsbefestigung
ob er wil / einbringen.

Der Eilfste Artickel.

Von Collationirung ein-
gebrachter setze.



Flen vordacht abzuschneyden / sollen die part / so
bald der letzte satz einbracht / sonderlich in das Ampt
beschieden / daselbst ihre eingebrachte setze / inn ihrer
beyder beysein / oder des eynen tails ungehorsam /
gegen einander Collationirt vnd vorlesen / vnd von
stundan versiegelt / vnd alsdann darauß geurtheylt
werden.

P ij

Der Zwelfste